

Наманган шаҳар
Давлат хизматлари маркази
томонидан
2021 йил " 8 " июл даги
№ 380182
ракам билан

«Наманган агрокимёхимоя»
худудий акциядорлик
жамияти



акциядорларининг
2021 йил «25» июндаги
умумий йиғилишининг 1-
сонли қарори билан

«РЎЙХАТГА ОЛИНГАН»

«ТАСДИҚЛАНГАН»

«Наманган агрокимёхимоя»
худудий акциядорлик жамияти

УСТАВИ

Узбекистон Республикаси Президентини “Мамлакатда ишбилармонлик мухитини яхшилаш буйича кушимча чора тадбирлар қабул қилинганлиги муносабати билан Узбекистон Республикасининг айрим қонун ҳужжатларига узгартириш ва қушимчалар киритиш тугрисида”ги қонунни,

Қонунчилик палатаси томонидан 2019 йил 22 февралда қабул қилинган, Сенат томонидан 2019 йил 28 февралда мақбулланган.

Узбекистон Республикасининг 1996 йил 26 апрелда қабул қилинган “Акциядорлик жамиятлари ва акциядорларнинг ҳуқуқларини ҳимоя қилиш тугрисида”ги 223-1 сонли Қонунига қуйидаги узгартириш ва қушимчалар киритилган бўлиб собиқ усимликларни ҳимоя қилиш мулк ҳисобига 17661 донга 26 615 127 (йигирма олти миллион олти юз ун беш минг бир юз йигирма етти) сумлик акция чиқарилиб Узагрокимёҳимоя АЖ улушига қушилган бўлиб давлат марказий қимматли қозғалардан қуйхатдан утқазилгани учун жамият ички қизомларига узгартиришлар киритилди.

I. УМУМИЙ ҚОИДАЛАР

1.1. Ушбу Устав Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни (матн давомида - қонун) ва бошқа қонун ҳужжатлари асосида ишлаб чиқилган.

Ўзбекистон Республикаси Президентининг «Ўсимликларни ҳимоя қилиш ва кишлоқ хужалигига агрокимёвий хизматларни кўрсатиш тизимини такомиллаштириш чора-тадбирлари тўғрисида» ги 2016 йил 24 октябрдаги ПҚ-2640-сонли қарорига асосан «Ўзкимёсаноат» АЖ таркибидан чиқарилган Наманган вилоят «Қишлоқхўжаликкимё» ҳудудий акциядорлик жамияти (кейинги ўринларда «Қишлоқхўжаликкимё» ХАЖ), шунингдек, вилоятнинг ўсимликларни ҳимоя қилиш маркази мулкый қисми негизида «Наманган агрокимёҳимоя» ҳудудий акциядорлик жамияти ташкил этилди.

1.2. «Наманган агрокимёҳимоя» ҳудудий акциядорлик жамияти (матн давомида «Жамият» деб номланади). Жамият ўз фаолиятини Ўзбекистон Республикасининг Фуқаролик кодекси, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни (06.05.2014й. ЎРҚ-370-сон) Ўзбекистон Республикаси Президентини «Мамлакатда ишбилармонлик муҳитини яхшилаш буйича кушимча чора тадбирлар қабул қилинганлиги муносабати билан Ўзбекистон Республикасининг айрим қонун ҳужжатларига узгартириш ва кушимчалар ва бошқа меъёрий-ҳуқуқий ҳужжатларга мувофиқ олиб боради.

1.3. Жамиятнинг тўлиқ фирма номи:

Ўзбек тили:

- кирилл ёзувида «Наманган агрокимёҳимоя» ҳудудий акциядорлик жамияти (матн давомида - Жамият деб юритилади)
- лотин ёзувида « Namangan agrokimyohimoya» hududiy aksiyadorlik jamiyati.

Рус тили:

- кирилл ёзувида территориальное акционерное общество «Наманган агрокимёҳимоя»;

Жамиятнинг қисқартирилган номи:

Ўзбек тили: кирилл ёзувида « Наманган агрокимёҳимоя» ХАЖ;

- лотин алифбосида « Namangan agrokimyohimoya» НАЖ;

Рус тили: - кирилл ёзувида ТАО «Наманган агрокимёҳимоя»;

1.4. Жамиятнинг жойлашган жойи (почта манзили): Ўзбекистон Республикаси, Наманган вилояти, Наманган шаҳри, Саноатчи кўчаси, 20 уй. Индекс: 160103.

1.5. Жамиятнинг электрон почта манзили: **namangan@uzakh.uz.**

1.6. Жамиятнинг расмий веб-сайти: **www.Namkimyo.uz**

II. ЖАМИЯТНИНГ ХУҚУҚИЙ МАҚОМИ

2.1. Жамият Ўзбекистон Республикаси қонунчилигига мувофиқ юридик шахс ҳисобланади ва ўз фаолиятини Ўзбекистон Республикаси қонунлари, ҳамда мазкур Устав асосида амалга оширади.

2.2. Жамият ўзининг юридик шахс мақомига эга бўлмаган қўйидаги 11 та филиалларига эга:

- 1) Косонсой туман филиали
- 2) Мингбулок туман филиали
- 3) Наманган туман филиали
- 4) Норин туман филиали
- 5) Поп туман филиали
- 6) Тўрақўрғон туман филиали
- 7) Уйчи туман филиали
- 8) Учқўрғон туман филиали
- 9) Чортоқ туман филиали
- 10) Чуст туман филиали
- 11) Янгиқўрғон туман филиали

2.3. Жамият таъсисчилиги асосида ўзининг юридик шахс мақомига эга бўлган масъулияти чекланган жамиятига эга:

1. «Namangan kimyo savdo» МЧЖ.
2. «Тўрақўрғон кимё савдо» МЧЖ.
3. «Чуст кимё савдо» МЧЖ урнида Агрокимётаъминот базаси МЧЖ
4. «Наманган Олтингугурт» МЧЖ.

2.4. Жамият мустақил баланс юритади, белгиланган тартибда Ўзбекистон Республикаси ҳудудида ва хорижий банк муассасаларида ҳисоб рақамларини ва бошқа рақамларни очади, Жамият давлат тилида ёзилган ўз номи ва жойлашган манзили кўрсатилган штамп ва юмалоқ муҳрга эга.

2.5. Жамият Ўзбекистон Республикаси қонунчилиги билан белгиланган тартибда давлат рўйхатидан ўтган санадан бошлаб юридик шахснинг барча ҳуқуқларига эга бўлади.

III. ЖАМИЯТНИНГ ФАОЛИЯТ СОҲАСИ (АСОСИЙ ЙЎНАЛИШЛАРИ), МАҚСАДИ

3.1. Жамиятнинг асосий мақсади даромад олишга қаратилган хўжалик фаолиятини амалга ошириш учун қишлоқ хўжалик корхоналарининг минерал ўғитларга, ўсимликларни ҳимоя қилишнинг кимёвий ва биологик воситаларига, дефолиантларга, ўсиш стимуляторларига, тупроқни озиклантирувчи қўшимча озуқа моддаларга ва бошқа эҳтиёжларни қондириш ҳамда жамият акциядорлари

ва меҳнат жамоасининг манфатини кўзлаб меҳнат қилиш йўли билан фойда олишдан иборат бўлиб, (ўзини-ўзи маблағ таъминлаш йўли билан) жамият таркибидаги туман ва туманлараро филиали (матн давомида филиал деб аюритилади) акциядорларининг моддий ва ижтимоий талабларини қондиришга қаратилган, моддий, номоддий, меҳнат ва молия ресурсларини бирлаштиришдан иборатдир.

3.2. Ўз фаолиятининг соҳаси (асосий йўналишлари), мақсадига эришиш учун жамият қўйидагиларини амалга оширади:

3.2.1. қишлоқ хўжалигини минерал ўғитлар, ўсимликларни кимёвий ва биологик ҳимоя қилиш воситалари билан таъминлаш, чигиртка, зараркунандалар, ўсимликлар касалликлари ва ёввойи ўтларга қарши курашиш бўйича ягона техник ва технологик сиёсатни олиб бориш;

қишлоқ хўжалиги ишлаб чиқарувчиларининг буюртмаларини умумлаштириш йўли орқали минерал ўғитлар, ўсимликларни кимёвий ва биологик ҳимоя қилиш воситаларига бўлган талабнинг ҳар йилги прогнозларини шакллантириш, шунингдек, минерал ўғитларни ишлаб чиқариш ва тақсимлашни, ўсимликларни кимёвий ҳимоя қилиш воситаларини ишлаб чиқариш ва тақсимланишининг ҳар йилги балансларини ишлаб чиқишда иштирок этиш;

белгиланган назорат ва сигнал майдонларда радиологик ва токсикологик кузатувларни олиб бориш, агрокимё картограммаларни тузган ҳолда, тупроқ ва қишлоқ хўжалик маҳсулотларидаги оғир металллар тузлари ва пестицидлар, чўкинди қолдиқлари, тўпланган радионуклидларни таҳлил қилиш;

тупроқни озиклаш моддалари таъминотини ҳисобга олган ҳолда, қишлоқ хўжалигига минерал ўғитларни дифференциал ва агрокимё картограммаларга катъиян мувофиқ кўринишда етказиб беришни таъминлаш;

ўсимликларни ҳимоя қилиш, зараркунандалар, ўсимликлар касалликлари ва ёввойи ўтлар билан курашиш соҳасида фермерлар ва деҳқон хўжаликлари, бошқа ташкилотлар ҳамда аҳолига комплексли агрокимё хизматларини кўрсатиш, шакллантирилган буюртмалар ва кафолат шартномаларига мувофиқ қишлоқ хўжалигини минерал ўғитлар билан таъминлаш;

қишлоқ хўжалиги экинлари зараркунандалари билан курашишнинг биологик усуллари кенг қўламда ривожлантириш ва қўллашга кўмаклашиш, биоматериаллар сифатини яхшилаш бўйича чора-тадбирларни амалга ошириш, биологик лабораторияларнинг моддий-техник базасини кучайтириш, биологик препаратларни ишлаб чиқариш;

вилоят ҳудудида ер майдонлари, ўсимлик ва қишлоқ хўжалиги маҳсулотларининг фитосанитар ҳолати устидан назоратни амалга ошириш, шунингдек зараркунандалар, ўсимлик касалликлари ва ёввойи ўтларнинг ривожланиши ва кўпайиб кетишини прогнозлаштириш ва мониторинг қилиш, ўсимликларни ҳимоя қилиш бўйича профилактика ва интеграция чора-тадбирларини ўз вақтида ташкиллаштиришни таъминлаш.

Қишлоқ хўжалигини минерал ўғитларига, ўсимликларни ҳимоя қилишнинг кимёвий воситаларига, шунингдек иқтисодиёт бошқа тармоқларининг

рақобатдошли кимёвий махсулотларига бўлган жорий ва истиқболдаги эҳтиёжларининг маркетинг тадқиқотларини олиб бориши ҳамда уларга бўлган эҳтиёжини аниқлаш;

3.2.2. Вилоят қишлоқ хўжалик корхоналарининг минерал ўғитларга, ўсимликларини ҳимоя қилишнинг кимёвий, биологик воситаларга ва бошқа кимёвий махсулотларга бўлган талабини аниқлаш;

3.2.3. Вилоят қишлоқ хўжалик корхоналарининг минерал ўғитлар, ўсимликларни ҳимоя қилишнинг кимёвий ва биологик воситалар, дефолиантлар, ўсишни бошқариш стимуляторлар, тупроқни озиклантирувчи қўшимча озуқа моддалар ва бошқа кимёвий махсулот турлари билан шартнома асосида таъминлаш;

3.2.4. Кимёвий махсулотларни етказиб берувчилар ва товар ишлаб чиқарувчилар ўртасидаги ўзаро ҳисоб-китоблар тизимини, етказиб бериш шартномаларини тузиш ва улар учун ҳисоб-китобларини марказлаштириш йўли билан такомиллаштириш;

3.2.5. Минерал ўғитлар ва дефолиантларни сотиш бўйича ҳар йилги ярмарка савдолари ўтказилишини ташкил этиш ва унда иштирок этиш;

3.2.6. Менежментнинг замонавий усуллари эгаллаган ва бозор шароитларида самарали ишлашга қодир бўлган кадрлар ва бошқарув кадрлари малакасини ошириш ва уларни қайта тайёрлаш;

3.2.7. Жамият таркибидаги филиаллар орқали туман бўйича ҳақиқий талабни ўрганади, буюртномаларни умумлаштиради ҳамда қишлоқ хўжалиги ишлаб чиқарувчилари билан минерал ўғитлар ва ўсимликларни кимёвий ҳимоя қилиш воситаларининг аниқ турлари ва биомахсулотлар, биостимуляторларни етказиб бериш юзасидан шартномалар тузиш;

3.2.8. Ҳар йили 1 октябрдан кечикмай, қишлоқ хўжалиги махсулоти ишлаб чиқарувчиларининг буюртманомаларини умумлаштириш асосида вилоят бўйича минерал ўғитлари ва ўсимликларни кимёвий ҳимоя қилиш воситалари ва биомахсулотлар, биостимуляторларга бўлган эҳтиёж прогнозини шакллантиради, минерал ўғитлар ва ўсимликларни кимёвий ҳимоя қилиш воситаларини ишлаб чиқарувчи корхоналарда ишлаб чиқариш бўйича келгуси йил дастурини тайёрлаш учун «Ўзагрокимёхимоя» АЖга тақдим этиш;

3.2.9. Қишлоқ хўжалиги корхоналарига пахта ва галла хосили зараркунанда ва турли хашоратлардан ҳимоя қилиш учун САДШ (сув, асал, дрова ва шакар) махсулоти тайёрлаш ва етказиб бериш;

3.2.10. Жамият мавжуд транспорт воситалари ва қишлоқ хўжалик техникалари ва агрегатлари билан қишлоқ хўжалиги махсулотлари ишлаб чиқарувчиларга белгиланган тартиб қоида асосида транспорт ва агрокимёвий хизмат кўрсатиш ишларини амалга ошириш;

3.2.11. Ташқи иқтисодий воситачилик, консалтинг, аудиторлик, лизинг, маркетинг фаолиятини ҳамда Ўзбекистон Республикаси қонунлари билан маън этилмаган бошқа ҳар қандай фаолият турларини амалга ошириш;

3.2.12. Имтиёзли кредитлаш шартларида табиий офатлар ва фавқулодда ҳолатлари воситаларининг эҳтиёт захираларини ташкил этиш;

3.2.13. Минерал ўғит ва кимёвий воситалар бўйича аукцион савдоларини ташкил этиш ва ўтказиш, аукцион савдо биржалари корхоналарини очиш;

3.2.14. Республика корхоналарида ўта тансиқ ўғитлар ва ўсимликларни ҳимоя қилиш воситаларини ишлаб чиқариш бўйича таклифлар ишлаб чиқариш, моддий-техника манбаларини импорт бўйича қўшимча сотиб олиш тўғрисида таклифлар киритиш;

3.2.15. Жамият таркибидаги филиаллар фаолиятини мувофиқлаштириш;

3.2.16. Филиал жамиятнинг жамият жойлашган ердан ташқарида жойлашган ҳамда унинг барча вазифаларини ёки уларнинг бир қисмини, шу жумладан ваколатхонанинг вазифаларини амалга оширадиган алоҳида бўлинмасидир.

3.2.17. Ўзбекистон Республикасининг амалдаги қонунлари доирасида ташқи иқтисодий фаолият билан шуғулланиш.

3.3. Жамият Ўзбекистон Республикасининг амалдаги қонунчилигида тақиқланмаган бошқа фаолият турларини ҳам амалга оширишга ҳақлидир.

3.4. Махсус рухсатнома (лицензия) олишни талаб қиладиган фаолият турлари жамият томонидан лицензия олингандан кейин амалга оширилади.

IV. ЖАМИЯТ ФАОЛИЯТИДА «ЎЗАГРОКИМЁХИМОЯ» АКЦИЯДОРЛИК ЖАМИЯТИ ВА ТАРКИБІЙ БЎЛИМЛАРИ БИЛАН ЎЗАРО МУНОСАБАТЛАР ТАРТИБИ

4.1. Жамият филиаллар ва МЧЖлар ташкил этишга ҳақли.

4.2. Филиал жамиятнинг жамият жойлашган ердан ташқарида жойлашган ҳамда унинг барча вазифаларини ёки уларнинг бир қисмини амалга оширадиган алоҳида бўлинмасидир.

4.3. Жамиятнинг филиали юридик шахс бўлмайди. Улар жамиятнинг кузатув кенгаши томонидан тасдиқланган низом асосида иш юритади.

4.4. Жамиятнинг филиалга бериб қўйилган мол-мулки жамиятнинг балансида ҳисобга олинади.

4.5. Филиал мудир жамият томонидан тайинланади ва жамият томонидан берилган ишончнома асосида иш юритади.

4.6. Жамият билан «Ўзагрокимёхимоя» акциядорлик жамияти ўртасидаги ўзаро муносабатлар шартнома асосида амалга оширилади. Жамият фойдасидан шартнома асосида «Ўзагрокимёхимоя» акциядорлик жамияти маъмуриятини саклаш мақсадида ажратмалар амалга ошириши мумкин.

4.7. Ўзбекистон Республикаси Президентининг 2016 йил 24 октябрдаги «Ўсимликларни ҳимоя қилиш ва кишлоқ хўжалигига агрокимёвий хизматларни кўрсатиш тизимини такомиллаштириш чоратадбирлари тўғрисида» ги ПҚ-2640-сонли қарорига мувофиқ, «Наманган агрокимёхимоя» ҳудудий акциядорлик жамиятининг таркибий бўлимлари бўлиб «Наманган агрокимёхимоя» ХАЖ туман ва туманлараро филиали ҳисобланади.

4.8. Жамиятнинг вилоят ҳудудида юридик шахс мақомига эга бўлмаган филиаллари жамият томонидан ажратиб берилган мол-мулк, айланма маблағларга эга бўлиб, уларни сақланиши ва улардан оқилона фойдаланиши ушбу филиал раҳбарларига жавобгарлик юклатилади.

4.9. Ҳар бир филиал тугаланмаган баланс асосида иш олиб боради ва кунлик, ойлик, чораклик, йиллик маълумот ва ҳисоботларни вилоят бошқарувига тақдим қилади.

4.10. Ҳар бир филиал «юридик шахс мақомига эга бўлмаган филиал ва ўз номи» ёзилган думалоқ муҳр ва бурчак штампига эга бўлади.

4.11. Ҳар бир филиал асосий фаолиятидан ташқари масалалар юзасидан бошқа ташкилотлар билан шартнома тузиш ҳуқуқига эга эмас.

4.12. Ҳар бир филиал томонидан қишлоқ хўжалик маҳсулоти етиштирувчиларга минерал ўғитлар етказиб бериш юзасидан бошқа барча турдаги шартномалар жамияти томонидан рўйхатдан ўтказилиши алоҳида тартибда белгилаб қўйилади.

4.13. Агарда бошқа турдаги шартномалар «Наманган агрокимёхимоя» ҳудудий акциядорлик жамияти томонидан рўйхатдан ўтказилмаган тақдирда шартнома юридик кучга эга эмас бўлиб, жамият томонидан маблағлар умуман ажратилмайди.

4.14. Ҳар бир филиал буюртмаларни асосланганлигини текшириб, қишлоқ хўжалик маҳсулоти етиштирувчиларни огоҳ этади ҳамда йиғма буюртмаларни жамиятга тақдим этади.

4.15. Жамият, вилоят қишлоқ ва сув хўжалиги бошқармаси ҳамкорлигида буюртмаларни вилоят бўйича умумлаштириб, «Узагрокимёхимоя» акциядорлик жамиятига тақдим этади.

4.16. Жамият, минерал ўғитлар ва ўсимликларни ҳимоя қилиш воситалари ишлаб чиқарувчи корхоналар билан шартномани вилоят қишлоқ ва сув хўжалиги бошқармаси ҳамкорлигида тайёрланган кимёвий маҳсулотларни етказиб бериш режасига асосан тузади.

4.17. Жамият, вилоят ва туман қишлоқ ва сув хўжалиги бошқармаси таклифлари асосида филиалларига ишлаб чиқарувчи корхоналардан кимёвий маҳсулотлар бўйича лимитларни етказди ҳамда қишлоқ хўжалиги маҳсулотларини ишлаб чиқарувчилар билан агрокимё хизмат кўрсатиш, минерал ўғитлар, ўсимликларни ҳимоя қилиш воситалари ва бошқа кимёвий маҳсулотларни етказиб бериш юзасидан шартномалар тузиш ваколатини беради.

4.18. Юқорида қайд қилинган ҳужжатларни олгандан сўнг филиаллар жамият номидан ажратилган меъёрлар доирасида қишлоқ хўжалиги маҳсулоти ишлаб чиқарувчилар билан давлат сотиб олиш буюртмаси бўйича алоҳида ва тижорат буюртмаси бўйича алоҳида шартномалар тузади.

4.19. Минерал ўғит ва кимёвий воситалар қишлоқ хўжалиги маҳсулоти ишлаб чиқарувчилардан қонунда белгиланган миқдорда олдиндан тўлов амалга оширилгандан сўнг етказиб берилади. Қишлоқ хўжалик корхоналаридан тушган пул маблағлари «Ўзкимёсаноат» акциядорлик жамияти таркибига кирувчи кимё

махсулотларини ишлаб чиқарувчи заводлардан олинган ўғитлар, ўсимликларни химоя қилиш воситалари ва бошқа кимёвий махсулотлари ҳисобига ҳосил бўлган кредиторлик қарздорликларни бартараф қилиш учун сарф қилинади.

4.20. «Наманган агрокимёхимоя» ҳудудий акциядорлик жамияти томонидан ўсимликларни химоя қилиш тадбирларини амалга ошириш учун вилоятдаги ҳар бир ҳудудга шартномалар асосида агроном-энтомологларни бир йил муддатга ишга қабул қилиши мумкин.

4.21. Минерал ўғит, ўсимликларни химоя қилиш воситалари ва бошқа кимёвий махсулотлар жамият таркибидаги филиал таъминот базалари, шахобчалари, дўконлари орқали тўғридан-тўғри шартномага асосан сотилади.

4.22. Жамият филиали раҳбарларини тайинлаш танлов асосида амалга оширилади. Жамият директорининг буйруғи билан тайинланади ва улар билан календар йилга бир йил муддатли ишга ёллаш меҳнат шартномаси тузилади ҳамда ҳар йили жамият директори суҳбатидан ўтади. Филиал мудирларининг иш фаолиятида жиддий ва қўпол қонун бузилиш ҳолатлари аниқланганда улар билан тузилган меҳнат шартномаси иш берувчи томонидан бир томонлама бекор қилинади.

4.23. Жамият филиаллари учун директори томонидан тасдиқланган штат жадвалида ишловчи бошқарув ходимлари, марказий омбор мудирлари ва минерал ўғит тарқатиш шахобча мудирлари жамият директорининг буйруғи билан тайинланади ва улар билан календар йилга бир йил муддатли ишга ёллаш меҳнат шартномаси тузилади ва ҳар йили жамият бошқаруви суҳбатидан ўтади.

4.24. Марказий омбор мудир ва минерал ўғит тарқатиш шахобча мудирлари билан тузилган бир йил муддатга ишга ёллаш меҳнат шартномаси муддати узайтирилмайди.

Юқорида қайд этилган ходимларнинг иш фаолиятида жиддий ва қўпол қонун бузилиш ҳолатлари аниқланганда улар билан тузилган меҳнат шартномаси иш берувчи томонидан бир томонлама бекор қилинади.

4.25. Жамият филиал мудирлари, бошқарув ходимлари, марказий омбор мудирлари, минерал ўғит тарқатиш шахобча мудирлари ўз бурчларини бажаришда жамият манфаатларини кўзлаб иш тутишлари белгиланади.

4.26. Жамият директори томонидан филиал мудирларига **ишончнома** берилади шунга асосан иш юритади агар ишончномага амал қилмаса Ўзбекистон Республикаси қонунлари олдида жавоб беради.

4.27. Жамият филиал мудирлари, бошқарув ходимлари, марказий омбор мудирлари, минерал ўғит тарқатиш шахобча мудирлари қонун ҳужжатларига ва жамият уставига мувофиқ жамият олдида жавобгардир.

4.28. Жамият мазкур Уставда белгиланган вазифаларни «Акциядорлик жамиятлари ва акциядорларнинг ҳуқуқларини химоя қилиш тўғрисида»ги Ўзбекистон Республикаси Қонунига мувофиқ бажаради.

V. ЖАМИЯТ УСТАВ ФОНДИНИНГ МИҚДОРИ.

5.1. Жамият Устав жамғармасы 671 083 677(Олти юз етмиш бир миллион саксон уч минг олти юз етмиш етти сўмни ташкил этади, мазкур жамғарма 445 311 (тўрт юз кирк беш уч юз ун бир) дона, эгасининг номи ёзилган, оддий хужжатсиз акцияларга бўлинган, ҳар бир акциянинг номинал қиймати 1507 (бир минг беш юз етти) сўмга тенг.

а) Жамиятнинг устав фондини (устав капитални) кўпайтириш

5.2. Жамиятнинг устав фонди (устав капитални) акцияларнинг номинал қийматини ошириш ёки қўшимча акцияларни жойлаштириш йўли билан кўпайтирилиши мумкин.

5.3. Қўшимча акциялар жамият томонидан ушбу уставда белгиланган эълон қилинган акциялар сони доирасидагина жойлаштирилади. Жамият устав капитални ошириш мақсадида жойлаштирилган акцияларига қўшимча равишда чиқариши мумкин.

б) Жамиятнинг устав фондини камайтириш

5.4. Жамиятнинг устав фонди (устав капитални) акцияларнинг номинал қийматини камайтириш ёки акцияларнинг умумий сонини қисқартириш йўли билан камайтирилиши мумкин.

5.5. Агар устав капитални камайтириш натижасида унинг миқдори қонун ҳужжатларида белгиланган энг кам миқдоридан камайтиб кетса, жамият устав фондини (устав капитални) камайтиришга ҳақли эмас.

5.6. Устав капитални камайтириш тўғрисида қарор қабул қилган вақтда акциядорларнинг умумий йиғилиши устав фондини (устав капитални) камайтириш сабабларини кўрсатади ва уни камайтириш тартибини белгилайди.

VI. ЖАМИЯТНИНГ ЗАҲИРА ФОНДИ .

6.1. Жамият соф фойда ҳисобидан заҳира фондини ҳамда акциядорларнинг умумий йиғилишида аниқланадиган, жамият фаолияти учун зарур бўлган бошқа фондларни ташкил этади.

6.2. Жамиятнинг заҳира фонди, бошқа маблағлар мавжуд бўлмаган тақдирда, жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини қайтариб сотиб олиш учун мўлжалланади. Заҳира фондидан бошқа мақсадларда фойдаланиш мумкин эмас.

6.3. Жамият устав фонднинг (устав капиталнинг) 15 фоиздан кам бўлмаган миқдорда жамият заҳира фонди тузилади.

6.4. Жамият заҳира фондига ушбу уставнинг 6.3-бандида белгиланган миқдорга етунига қадар ҳар йили соф фойдадан 5 фоиз миқдорида ажратмалар ўтказилади.

6.5. Захира фонди тўлалигича ёки қисман сарфланиб бўлган ҳолларида, мажбурий ажратмалардан тикланади.

6.6. Жамият соф активларининг қиймати бухгалтерия ҳисоби маълумотлари бўйича, жамият активлари ва мажбуриятларининг умумий суммаси ўртасидаги фарқ сифатида аниқланади.

VII. ЖАМИЯТ АКЦИЯЛАРИНИНГ ТУРЛАРИ ВА УЛАР БЎЙИЧА ДИВИДЕНДЛАР ТЎЛАШ ТАРТИБИ

7.1. Жамиятнинг акциялари оддий эгасининг номи ёзилган эмиссиявий қимматли қоғозлар ҳисобланади.

7.2. Жамият оддий акциялари овоз берувчи акциялар бўлиб, улар ўз эгаларига ҳар йили акциядорлар умумий йиғилиши томонидан тасдиқланган миқдорида дивидендлар олиш, жамиятни бошқаришда иштирок этиш ҳуқуқини беради.

7.3. Акциялар мулк ҳуқуқи ёки бошқа ашёвий ҳуқуқ асосида қайси юридик ёки жисмоний шахсга тегишли бўлса, ўша юридик ёхуд жисмоний шахс акциянинг эгаси — акциядор деб эътироф этилади.

7.4. Акциянинг эгаси бўлган акциядорга овозга қўйилган масалани ҳал этишда овоз бериш ҳуқуқини берадиган оддий ёки имтиёзли акция жамиятнинг овоз берувчи акциясидир.

7.5. Дивиденд жамият соф фойдасининг акциядорлар ўртасида тақсимланадиган қисмидир.

7.6. Дивидендлар жамиятнинг жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

7.7. Дивидендларни тўлаш муддати шундай қарор қабул қилинган кундан эътиборан олтиш кундан кеч бўлмаслиги лозим.

7.8. Дивиденд фойданинг солиқлар ва бошқа мажбурий тўловлар тўланганидан сўнг акциядорлар ўртасида тақсимланади.

7.9. Жамият акцияларнинг ҳар бир тури бўйича эълон қилинган дивидендларни тўлаши шарт.

7.10. Дивиденд акциядорлар умумий йиғилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланиши мумкин.

7.11. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

7.12. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори жамият кузатув кенгаши томонидан тавсия этилган миқдордан кўп бўлиши мумкин эмас.

7.13. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра жамият ихтиёрида қолади.

7.14. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга бўлади.

7.15. Жамият дивидендларнинг миқдорини улардан ундириладиган солиқларни инобатга олмаган ҳолда эълон қилади.

7.16. Жамият тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва жамиятнинг расмий веб-сайтларида қонун ҳужжатларида белгиланган муддатларда эълон қилади.

VIII. ЖАМИЯТНИНГ БОШҚАРУВ ОРГАНЛАРИ

8.1. Акциядорларнинг умумий йиғилиши, кузатув кенгаши ва ижроия органи жамиятнинг бошқарув органларидир.

IX. ЖАМИЯТ АКЦИЯДОРЛАРИНИНГ УМУМЙЙ ЙИҒИЛИШИ

9.1. Акциядорларнинг умумий йиғилиши жамиятнинг юқори бошқарув органидир.

9.2. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади.

Акциядорларнинг йиллик йиғилишидан ташқари ўтказиладиган умумий йиғилишлари навбатдан ташқари йиғилиш ҳисобланади.

Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

9.3. Акциядорлар умумий йиғилишининг ваколат доирасига қуйидагилар киради:

- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

- жамиятни қайта ташкил этиш;

- жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

- жамият кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

- эълон қилинган акцияларнинг энг кўп миқдорини белгилаш;
- жамиятнинг устав фондини кўпайтириш;
- жамиятнинг устав фондини камайтириш;
- ўз акцияларини олиш;
- жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;
- жамият тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;
- жамиятнинг йиллик ҳисоботини, йиллик бизнес-режасини тасдиқлаш;
- жамиятнинг фойдаси ва зарарларини тақсимлаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;
- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- жамиятнинг корпоратив облигацияларини қайтариб сотиб олиш тўғрисида қарор қабул қилиш;
- акцияларни ва акцияларга айирбошланадиган қимматли қоғозларни сотиб олишда акциядорнинг имтиёзли ҳуқуқини қўлламаслик тўғрисида қарорни қабул қилиш;
- акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- акциядорлар умумий йиғилишининг регламентини тасдиқлаш;
- акцияларни майдалаш ва йириклаштириш;
- жамиятнинг ижроия органига тўланадиган ҳақ ва (ёки) компенсацияларни, шунингдек уларнинг энг юқори миқдорларини белгилаш;
- қонунчиликда белгиланган ҳолларда жамият томонидан йирик битимлар ва жамият аффилиланган шахслари билан битимлар тузиш тўғрисида қарор қабул қилиш;
- қонун ҳужжатларига мувофиқ бошқа масалаларни ҳал этиш.

9.4. Акциядорларнинг умумий йиғилишини утказиш тугрисидаги хабар акциядорларнинг умумий йиғилиши утказиладиган санадан камида йигирма бир кундан кечиктирмай, лекин узоғи билан уттиз кун олдин Корпоратив ахборотнинг ягона порталида, жамиятнинг расмий веб сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

9.5. Акциядорларнинг умумий йиғилиши томонидан қабул қилинган қарорлар йиғилиш баённомаси имзоланган кундан икки иш кундан кечиктирмай, шунингдек овоз бериш якунлари ушбу қарорлар қабул қилинган

санадан эътиборан ўттиз кундан кечиктирмай қонун ҳужжатларида белгиланган тартибда акциядорлар эътиборига етказилади.

9.6. Жамият акциядорлар умумий йиғилиши жамиятнинг «Акциядорлар умумий йиғилиши тўғрисида»ги Низом асосида чақирилади ва ўтказилади.

Х. ЖАМИЯТНИНГ КУЗАТУВ КЕНГАШИ.

10.1. Жамиятнинг кузатув кенгаши жамият фаолиятига умумий раҳбарликни амалга оширади, акциядорлар умумий йиғилишининг ваколат доирасига киритилган масалаларни ҳал этиш бундан мустасно.

10.2. Жамият кузатув кенгаши аъзолари акциядорларнинг умумий йиғилиши томонидан бир йиллик муддатга сайланган 9 аъзодан иборат.

10.3. Акциядорлар умумий йиғилишининг қарорига кўра жамият кузатув кенгашининг аъзоларига улар ўз вазифаларини бажариб турган давр учун ҳақ тўланиши ва (ёки) кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг миқдорлари акциядорларнинг умумий йиғилиши қарорида белгиланади.

10.4. Энг муҳим масалаларни куриб чиқиш ва жамиятнинг кузатув кенгашига тавсиялар тайёрлаш учун кузатув кенгаши аъзолари орасидан кумиталар ташкил этииш. Акциялари фонд биржасининг биржа котировкаси варагига киритилган жамият факат жамият кузатув кенгашининг аъзоларидан таркиб топган аудит кумитаси ташкил этиши, Жамиятнинг ички аудит хизмати, агар бундай хизмат мавжуд бўлса, уз фаолиятида аудит кумитасига ҳисобдордир. Кумиталарни шакллантириш ва уларнинг ишлаш тартиби, сони ва таркиби жамиятнинг кузатув кенгаши тугрисидаги низомда белгиланади.

10.5. Аудиторлик текширувини утказиш (мажбурий аудиторлик текшируви бундан мустасно) аудиторлик ташкилотини белгилаш, унинг хизматларига туланадиган энг куп ҳақ миқдори ва у билан шартнома тузиш (шартномани бекор қилиш) тугрисида қарор қабул қилиш,

10.6. Акциялари фонд биржасининг биржа котировкаси варагига киритилган жамият кузатув кенгаши таркибига камида бир нафар мустақил аъзо қиритиши керак, ушбу аъзо ҳар йили қайта сайланиши мумкин. Бунда давлат ва (ёки) ҳужалик бирлашмасининг улуши устун бўлган жамиятларда номзод курсатиш ҳамда кузатув кенгашининг мустақил аъзоси бўйича овоз бериш давлат ва (ёки) ҳужалик бирлашмасининг вакиллари томонидан амалга оширилади.

Қуйидаги шахс кузатув кенгашининг мустақил аъзоси деб эътироф этилади:

Сунгги уч йил мобайнида жамиятда ва (ёки) унинг аффилланган шахсларида ишламаган шахс:

Жаҳмиятнинг акциядори ва (ёки) унинг аффилланган шахсининг таъсисчиси (акциядори, ишгтирокчиси) бўлмаган шахс:

Жамиятнинг ва (ёки) унинг аффилланган шахсининг йирик мижози ва (ёки) йирик етказиб берувчиси билан фуқоролик ҳуқуқий муносабатларда бўлмаган шахс. Бунда қайси мижоз ва мол етказиб берувчи билан энг кам иш ҳақининг

икки минг баробаридан куп булган суммага тенг амалдаги шартнома мавжуд булса, ушалар йирик миждоз ва йирик етказиб берувчи деб эътироф этилади:

Жамият ва (ёки) унинг аффилиланган шахслари билан бирор бир келишувга эга булмаган шахс, бундан кузатув кенгаши аъзосининг вазифалари ва функциялари бажарилишини таъминлаш билан боғлиқ булган ҳоллар мустасно:

Жамиятнинг бошқарув ва ички аппарат органларининг ва (ёки) унинг аффилиланган шахсларининг аъзоси булган шахснинг ёки сунгги уч йил ичида уларга аъзо булган шахснинг эри (хотини), ота онаси (фарзандликка олувчиси), фарзанди (фарзандликка олинган боласи), туғишган ва угай акаси (укаси) ҳамда опаси (синглиси) булмаган шахс:

Давлат бошқарув органининг ёки давлат корхонасининг ходими булмаган шахс.

10.7 Суд жамиятининг кузатув кенгаши аъзосини, директорини ёки бошқарув аъзосини жамиятга мулкӣ зарар етказганликда айбдор деб топган тақдирда, ушбу аъзонинг, директорнинг ёки бошқарув аъзосининг ваколатлари суднинг қарорига қура, уларнинг хужалиқ жамиятларида раҳбарлик лавозимини эгаллаши тақиқланган ҳолда, бир йилдан кам булмаган муддатга тугатилиши мумкин.

Жамият кузатув кенгаши аъзоси, директори ёки бошқарув аъзоси, шунингдек ишончли бошқарувчи жамиятга қалғитувчи ахборот ёки била туриб ёлгон ахборот тақдим этганлиги ёхуд узлари ёки аффилиланган шахслари томонидан фойда (даромад) олиш мақсадида йирик битим тузишни ва (ёки) йирик битим тузиш ва (ёки) аффилиланган шахслар билан битимлар тузиш тугрисида қарор қабул қилишни тақлиф этганлиги натижасида етказилган зарар учун жавобгарликка тортилиши,

10.8. Жамият кузатув кенгашининг ваколат доирасига қуйидагилар қиради:

- жамият фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йиғилишларини чақириш, қонунчиликда назарда тутилган ҳоллар мустасно;
- акциядорлар умумий йиғилишининг қун тартибини тайёрлаш;
- акциядорларнинг умумий йиғилиши ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;
- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш масалаларини акциядорларнинг умумий йиғилиши ҳал қилиши учун киритиш;
- мол-мулкнинг бозор қийматини белгилашни ташкил этиш;
- жамият Устав фондини ошириш бўйича тайёрланган эмиссия рисоласи ва акциялар чиқарилуви тўғрисидаги қарорини тасдиқлаш.

-Жамият кузатув кенгашига ҳисобдор булган ва корпоратив қонун ҳужжатларига риоя этилиши устидан назорат қилиш вазифасини бажарувчи жамият корпоратив маслаҳатчиси лавозимини жорий этиш мумкин.

- корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш;

- Жамият ички аудит хизмати аудиторларига туланадиган хизмат ҳакини белгилаш ва уларнинг харажатлар сметасини тасдиқлаш.

- Жамият соф активлари миқдорини 15 фоиздан 50 фоизгача ташкил этувчи мол-мулк хусусида йирик битим тузиш тўғрисидаги қарор жамият кузатув кенгашининг аъзолари томонидан бир овоздан қабул қилинади, бунда кузатув кенгашидан чиқиб кетган аъзоларнинг овози инобатга олинмайди;

- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;

- аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

- жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;

- дивиденд миқдори, уни тўлаш шакли ва тартиби юзасидан тавсиялар бериш;

- жамиятнинг захира фондидан ва бошқа фондларидан фойдаланиш;

- жамиятнинг филиалларини ташкил этиш ва ваколатхоналарини очиш;

- жамиятнинг шўъба ва тобе хўжалик жамиятларини ташкил этиш;

- йирик битим тузиш масаласи бўйича жамият кузатув кенгашининг яқдиллигига эришилмаган тақдирда йирик битим тузиш тўғрисидаги масала кузатув кенгашининг қарорига кўра акциядорларнинг умумий йиғилиши ҳал қилиши учун олиб чиқилиши мумкин;

- жамиятнинг кузатув кенгаши аффилиланган шахс билан келгусида жамият томонидан кундалик хўжалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимни (битимларни) маъқуллаш ҳақида қарор қабул қилиш;

- жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

- жамиятнинг корпоратив облигацияларини қайтариб сотиб олиш тўғрисида қарор қабул қилиш;

- жамиятнинг устав фондини (устав капиталини) кўпайтириш масалаларини, шунингдек жамият уставига жамиятнинг устав фондини (устав капиталини) кўпайтириш билан боғлиқ ўзгартиш ва қўшимчалар киритиш тўғрисидаги масалаларни ҳал қилиш;

- акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

- қимматли қоғозлар чиқарилиши тўғрисидаги қарор ва эмиссия рисоласини тасдиқлаш;

- ижроия органига тўланадиган ҳақ ва компенсацияларнинг миқдорларини белгилаш;

- жамиятнинг йиллик бизнес-режасини маққуллаш.
- кузатув кенгаши жамиятнинг директори, бошқарув аъзолари билан тузилган шартномани улар шартнома шартларини бузган тақдирда тугатишга (бекор қилишга) ҳақли;
- кузатув кенгаши жамиятнинг директори, бошқарув аъзолари билан тузилган шартномани, агар улар жамият уставини қўпол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.
- ўзгартирилаётган жамиятнинг кузатув кенгаши жамиятни ўзгартириш, ўзгартириш тартиби ва шартлари ҳақидаги масалаларни акциядорларнинг умумий йиғилиши ҳал қилиши учун олиб чиқади.
- жамият ихтиёрий равишда тугатилган тақдирда, тугатилаётган жамиятнинг кузатув кенгаши жамиятни тугатиш ва тугатувчини ёки тугатиш комиссиясини тайинлаш тўғрисидаги масалани акциядорларнинг умумий йиғилиши ҳал қилиши учун олиб чиқади.
- жамиятнинг йиллик ҳисоботи акциядорларнинг йиллик умумий йиғилиши ўтказиладиган санадан ўттиз кундан кечиктирмай жамиятнинг кузатув кенгаши томонидан дастлабки тарзда тасдиқланиши лозим.

10.9. Кузатув кенгаши томонидан жамият бошқарувининг ваколатларини тугатиш тўғрисида қарор қабул қилинган тақдирда, жамият бошқарувининг ваколатларини бошқа шахсга ўтказиш тўғрисидаги масала ўша мажлиснинг ўзида ҳал этилиши ёхуд жамият бошқарувининг раҳбари вазифасини вақтинча бажарувчи шахсни тайинлаган ҳолда яқин орадаги кузатув мажлисида кўриб чиқиш учун қолдирилиши мумкин.

10.10. Кузатув кенгаши томонидан тайинланадиган жамият бошқаруви таркибига кирган шахснинг ваколатлари муддатидан илгари тугатилган тақдирда, жамият кузатув кенгаши қарори билан белгиланган шахс унинг вазифаларини вақтинча бажариб туришига йўл қўйилади.

10.11. Жамият кузатув кенгашининг ваколат доирасига амалдаги қонун ва жамият уставига мувофиқ бошқа масалаларни ҳал этиш ҳам киритилиши мумкин.

10.12. Айни шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзоси бўлиши мумкин эмас.

10.13. Жамиятнинг кузатув кенгаши аъзолари сайлови кумулятив овоз бериш орқали амалга оширилади. Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли. Энг кўп овоз тўплаган номзодлар жамият кузатув кенгашининг таркибига сайланган деб ҳисобланади.

10.14. Жамият кузатув кенгашининг раиси кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан кузатув кенгаши аъзолари томонидан сайланади. Жамиятнинг кузатув кенгаши ўз раисини

кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

10.15. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади.

10.16. Жамият кузатув кенгашининг раиси бўлмаган тақдирда унинг вазифасини кузатув кенгашининг аъзоларидан бири амалга оширади.

10.17. Жамият кузатув кенгаши мажлислари унинг раиси томонидан ҳар чоракда камида бир марта чақирилади. Заруриятга кўра жамият кузатув кенгашининг навбатдан ташқари мажлислари ҳам ўтказилиши мумкин.

10.18. Жамият кузатув кенгашининг қарори кузатув кенгашга сайланган аъзоларнинг камида етмиш беш фоизи иштирок этганида қонуний ҳисобланади. Жамият кузатув кенгашининг мажлисида қарорлар, мажлисда ҳозир бўлганларнинг кўпчилик овози билан қабул қилинади. Жамият кузатув кенгаши мажлисида масалалар ҳал этилаётганда кузатув кенгашнинг ҳар бир аъзоси битта овозга эга. Жамият кузатув кенгашининг бир аъзоси ўз овозини кузатув кенгашнинг бошқа аъзосига беришига ҳақли эмас. Жамият кузатув кенгаши аъзоларининг овозлари тенг бўлган ҳолда, жамият кузатув кенгаши раисининг овози ҳал этувчи ҳисобланади.

10.19. Жамият кузатув кенгаши ваколатлари доираси ва фаолияти акциядорларнинг умумий йиғилишида тасдиқланган жамият «Кузатув кенгаши тўғрисида»ги Низом асосида иш олиб боради.

XI. ЖАМИЯТНИНГ ИЖРОИЯ ОРГАНИ.

11.1. Жамиятнинг кундалик фаолиятига раҳбарлик қилиш ваколати кузатув кенгаши томонидан тайинланган жамиятнинг ижроия органи (матин давомида жамиятнинг бошқаруви деб юритилади) томонидан амалга оширилади. Жамият бошқаруви аъзоларининг сон таркиби 5 кишидан иборат.

11.2. Жамият бошқаруви кузатув кенгаши олдида ҳисобдор бўлиб, жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан йилнинг ҳар чорагида кузатув кенгашига ҳисобот беради.

11.3. Жамият директори ва бошқарув аъзоларининг ҳуқуқ ва мажбуриятлари амалдаги Қонун ва бошқа қонун ҳужжатларида, жамият уставида ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили кузатув кенгаши томонидан қарор қабул қилинади. Шартнома жамият номидан кузатув кенгашининг раиси ёки кузатув кенгаши ваколат берган шахс томонидан имзоланади. Жамият директори ва бошқарув органи аъзолари билан тузиладиган шартномада уларнинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан

акциядорларнинг умумий йиғилиши ва кузатув кенгаши олдида берадиган ҳисоботларининг даврийлиги назарда тутилади.

11.4. Жамият директори ва бошқарув аъзоларига тўланадиган ҳақ миқдори ва тўлаш шартлари жамият фаолиятининг самарадорлигига тўғридан-тўғри боғлиқ бўлиб, шартномада белгиланади.

11.5. Жамият бошқарувининг ваколатига жамиятнинг кундалик фаолиятига раҳбарлик қилишга доир барча масалалар киради, умумий йиғилиш ёки кузатув кенгаши ваколатига киритилган масалалар бундан мустасно.

11.6. Жамият директори акциядорлар умумий йиғилишининг ва жамият кузатув кенгашининг қарорлари бажарилишини ташкил этади, ўз ваколатлари доирасида жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилади, шу жумладан:

- жамият номидан ишончномасиз иш юритиш ва унинг манфаатларини ҳимоя қилиш;

- жамият номидан битимлар тузиш;

- жамиятнинг филиаллари ҳамда МЧЖ раҳбарларини тайинлаш;

- штатларни тасдиқлаш;

- жамиятнинг барча ходимлари бажариши мажбурий бўлган буйруқлар чиқариш ва кўрсатмалар бериш;

- жамиятнинг ички ҳужжатларини тасдиқлаш, ижроия аппаратининг ташкилий тизимини тасдиқлаш;

- жамият ходимларини ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш, ходимлар томонидан меҳнат ва ижро интизомини сақлаб туришини таъминлаш;

- жамият номидан амалдаги қонунчиликка асосан ишончномаларни бериш;

- жамиятнинг ички меъёрий ҳужжатларини тасдиқлаш;

- амалдаги қонунчиликка мувофиқ жамиятда бухгалтерия ҳисоби ва ҳисоботининг ташкил этилиши, зарур ҳолати ва ишончлилигини, йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган жамият фаолияти тўғрисидаги маълумотлар тақдим этилишини таъминлаш;

- махфий характердаги маълумотлар рўйхатини ва уларни олиш тартибини белгилаш;

- баланс қиймати ёки олиш қиймати битим тузиш тўғрисида қарор қабул қилинаётган санада жамият соф активлари миқдорининг ўн беш фоизигачасини ташкил этувчи мол-мулк хусусида йирик битим тузиш тўғрисидаги қарор бошқаруви аъзолари томонидан бир овоздан қабул қилинади, бунда бошқарув аъзолигидан чиқиб кетган аъзоларнинг овози инобатга олинмайди.

- кузатув кенгаши мажлисига ҳар чорак якуни бўйича жамиятнинг бизнес-режаси, молиявий-хўжалик фаолияти натижалари ҳақидаги баланс ва йиллик ҳисоботни тақдим этилишини таъминлаш.

11.7. Жамият директорининг ваколати доирасига қуйидагилар киради:

- Ўзбекистон Республикаси қонунлари ва ушбу уставга мувофиқ барча юридик ва жисмоний шахслар билан бўладиган муносабатларда жамият номидан ишончномасиз иш юритиш, Ўзбекистон Республикаси ва чет элларда шартномалар, контрактлар ва бошқа битимлар тузиш, банк ва молия операцияларини амалга ошириш, шундай операцияларни амалга оширишга бошқа шахсларга ваколатномалар бериш;

- жамият фаолиятининг молиявий, инвестициявий, ишлаб чиқариш дастурларини амалга оширишни ташкил қилиш;

- жамият фаолияти ҳақида оммавий ахборот воситаларига ахборотлар бериш ва жамоатчилик билан алоқаларни амалга ошириш;

- жамият мулки ва маблағларини бошқариш;

- Ўзбекистон Республикаси ва бошқа давлатларнинг юридик ва жисмоний шахсларига нисбатан жамият номидан даъволар тақдим этиш ҳақида қарорлар қабул қилиш;

- банкларда ҳисоб, валюта ва бошқа рақамларни очиш;

- жамият бошқаруви ва ходимларнинг штатларини тасдиқлаш, барчаси учун мажбурий бўлган буйруқлар чиқариш ва кўрсатмалар бериш, уларни мукофатлаш ва интизомий жазолаш чораларини кўриш;

- жамият фаолиятининг ишлаб чиқариш-молиявий фаолияти учун жавоб бериш;

- умумий йиғилишда тасдиқлашга тақдим этиш учун жамиятнинг йиллик баланс ҳисоботларини, фойда, зарарлар ҳисобини ишлаб чиқишга раҳбарлик қилиш ва тақдим этилишини таъминлаш;

11.8. Жамият директори ўз ҳуқуқларини амалга ошириш ва мажбуриятларини бажаришда жамият манфаатларидан келиб чиқиб ҳаракат қилиши лозим. Жамият директори жамият олдида Ўзбекистон Республикасининг амалдаги қонунлари ва ушбу уставга мувофиқ тўлиқ мулкый жавобгардир.

11.9. Жамиятнинг камида бир фоиз акцияларига эга бўлган акциядор (акциядорлар) жамиятга етказилган зарарни қоплатиш учун жамият директорига нисбатан даъво билан судга мурожаат қилиш ҳуқуқига эга.

11.10. Кузатув кенгаши жамиятнинг бошқарув аъзолари билан тузилган шартномани, агар шартнома тузишда улар жамият уставини қўпол тарзда бузишга йўл қўйилган бўлса ёки жамият йиллик бизнес-режасининг тасдиқланган параметрлари бажарилиши барбод қилинганда муддатидан олдин тўхтатиш ҳуқуқига эгадир.

11.11. Жамиятнинг бизнес-режаси ва ҳаражатлар сметасида тасдиқланмаган ҳар қандай қўшимча ҳаражатлар, шунингдек хомийлик ёрдамларини ижро этувчи органи фақат кузатув кенгашининг ёки акциядорлар умумий йиғилишининг қарори билан амалга оширади.

11.12. Жамият тасарруфидаги мулкларни ижарага бериш, гаровга қўйиш, банкдан кредит олиш ҳамда учинчи шахсларга кредит юзасидан кафиллик бериш

каби масалалар битимнинг қийматига кўра фақат кузатув кенгашининг ёки акциядорлар умумий йиғилишининг қарори билан ҳал этилади.

11.13. Жамият бошқаруви иш фаолияти, унинг ҳуқуқ ва мажбуриятлари мазкур устав ва акциядорлар умумий йиғилиши томонидан тасдиқланган "Ижроия органи тўғрисида"ги Низом асосида иш олиб боради.

ХII. ЖАМИЯТНИНГ ТАФТИШ КОМИССИЯСИ.

12.1 Жамиятнинг молия-хўжалик фаолиятини назорат қилиш учун жамият уставига мувофиқ акциядорларнинг умумий йиғилиши томонидан бир йил муддатга тафтиш комиссияси (тафтишчи) сайланади. Жамият тафтиш комиссияси 3 кишидан иборат. Айти бир шахс айти бир жамиятнинг тафтиш комиссияси таркибига (тафтишчиликка) кетма-кет уч мартадан ортиқ сайланиши мумкин эмас.

12.2. Жамият тафтиш комиссияси (тафтишчи) аъзоларига доир малака талаблари, фаолият кўрсатиш тартиби, ваколат доираси акциядорларнинг умумий йиғилиши томонидан тасдиқланадиган низомда белгиланади.

12.3. Жамият тафтиш комиссиясининг (тафтишчисининг) ёзма талабига кўра жамият ижроия органида мансабни эгаллаб турган шахслар жамиятнинг молия-хўжалик фаолияти тўғрисидаги ҳужжатларни тафтиш комиссиясига (тафтишчига) тақдим этиши шарт.

12.4. Жамият тафтишчиси ёки тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айти шу жамиятда меҳнат шартномаси (контракт) бўйича ишлаши мумкин эмас.

12.5. Жамиятнинг молия-хўжалик фаолиятини текшириш тафтиш комиссиясининг (тафтишчининг), акциядорлар умумий йиғилишининг, жамият кузатув кенгашининг ташаббусига кўра ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.

12.6. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси (тафтишчиси) хулоса тузади, бу хулосада:

- жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

12.7. Тафтиш комиссияси (тафтишчи) жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда жамият кузатув кенгашининг мажлисига олиб чиқади. Ушбу модданинг 12.6. бандида

кўрсатилган ахборотни ўз ичига олган хулоса акциядорларнинг йиллик умумий йиғилишида эшитилади.

12.8. Жамият тафтиш комиссияси иш фаолияти, унинг ҳуқуқ ва мажбуриятлари мазкур устав ва акциядорлар умумий йиғилиши томонидан тасдиқланган "Тафтиш комиссияси тўғрисида"ги Низом асосида иш олиб боради.

ХIII. ЖАМИЯТНИНГ ИЧКИ АУДИТ ХИЗМАТИ .

13.1. Ўзбекистон Республикаси Президентининг «Қимматли қоғозлар бозорини янада ривожлантириш чора-тадбирлари тўғрисида» 2006 йил 27 сентябрдаги ПК-475 сон Қарорига ҳамда Вазирлар Маҳкамасининг 2006 йил 16 октябрдаги 215-сонли Қарори, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги 2014 йил 7 майдаги 370-сон янги таҳрирдаги қонун талабларидан келиб чиқиб жамиятда кузатув кенгашига ҳисобдор ички аудит хизмати ташкил этилган.

13.2. Активларининг баланс қиймати энг кам иш ҳақи миқдорининг юз минг баробаридан кўп бўлган жамиятда ички аудит хизмати ташкил этилади. Ички аудит хизмати жамиятнинг кузатув кенгашига ҳисобдордир.

13.3. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.

13.4. Жамиятнинг ички аудит хизмати ўз фаолиятини Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

13.5. Жамиятнинг ички аудит хизмати ходимларига доир малака талаблари, фаолият кўрсатиш тартиби, ваколат доираси акциядорларнинг умумий йиғилиши томонидан тасдиқланган "Ички аудит хизмати тўғрисидаги" Низомга асосан белгиланади.

XIV. АУДИТОРЛИК ТАШКИЛОТИ.

14.1. Аудиторлик ташкилоти жамият билан тузилган шартномага мувофиқ қонун ҳужжатларида белгиланган тартибда жамият молия-хўжалик фаолиятининг текширилишини амалга оширади ва унга аудиторлик хулосасини тақдим этади.

14.2. Аудиторлик ташкилоти жамиятнинг молиявий ҳисоботи ва молияга доир бошқа ахборот ҳақидаги нотўғри хулосани ўз ичига олган аудиторлик хулосаси тузилганлиги оқибатида етказилган зарар учун жамият олдида жавобгар бўлади.

14.3. Устав фондидаги (устав капиталидаги) давлат улуши эллик фоиздан кўп бўлган жамиятларда аудиторлик текшируви ўтказиш учун аудиторлик ташкилотини танлаш Ўзбекистон Республикасининг хусусийлаштириш, монополиядан чиқариш ва рақобатни ривожлантириш давлат қўмитаси ҳамда Ўзбекистон Республикаси молия вазирлиги томонидан белгиланадиган рўйхатдан келиб чиққан ҳолда танлов асосида амалга оширилади.

XV. ЖАМИЯТНИНГ КОРПОРАТИВ МАСЛАҲАТЧИСИ.

15.1. Ўзбекистон Республикаси Президентининг «Қимматли қоғозлар бозорини янада ривожлантириш чора-тадбирлари тўғрисида» 2006 йил 27 сентябрдаги ПҚ-475 сон қарорига ҳамда 2008 йил 26 сентябр 183-сон қонуни, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги 2014 йил 6 майдаги 370-сонли янги таҳрирдаги Қонуни талабларидан келиб чиқиб жамият кузатув кенгашига ҳисобдор бўлган ва корпоратив қонун ҳужжатларига риоя этилиши устидан назорат қилиш вазифасини бажарувчи жамият корпоратив маслаҳатчиси лавозими жорий этилган.

15.2. Корпоратив маслаҳатчининг иш фаолияти ва асосий вазифалари жамият кузатув кенгаши томонидан тасдиқланган низом асосида амалга оширилади.

XVI. ЯКУНИЙ ҚОИДАЛАР.

16.1. Акциядор (акциядорлар) йирик битими ёки аффилланган шахс билан тузилган битимни ҳақиқий эмас деб топиш тугрисидаги даъво аризасини судда қуриб чиқиш чоғида жамиятдан ва гувоҳлардан суд томонидан қуриб чиқиладиган ишга таълуқли бўлиши мумкин бўлган ҳужжатларни олишга ҳақли, бундан давлат сирини ёки қонун билан қурқиланадиган бошқа сирни ташкил этувчи ҳужжатлар мустасно:

16.2. Акциялари фонд биржасининг биржа котировкаси varaгига киритилган жамият Корпоратив ахборотнинг ягона порталида ва жамиятнинг расмий веб сайтида бошқа юридик шахсларнинг 5 ва ундан ортиқ фоиз акцияларига (улушларига, пайларига) эгаллик қилиши тугрисидаги ахборотни эълон қилиши, бунда мазкур ахборот акциялар (улушлар, пайлар) олинган пайтдан эътиборан 72 слат ичида эълон қилиниши:

16.3. Мазкур уставга киритиладиган ҳар қандай ўзгартириш ва қўшимчалар ёзма равишда тузилган, акциядорлар умумий йиғилиши томонидан тасдиқланган

ва Ўзбекистон Республикасининг тегишли давлат органида рўйхатга олингандан сўнг ҳақиқий деб ҳисобланади.

16.4. Агар мазкур уставни бирон бир қоидаси ўз кучини йўқотган бўлса, бу қоида бошқа қоидаларни тўхтатиш учун сабаб бўлмайди. Ўз кучини йўқотган қоида қонунчиликка тўғри келадиган қоида билан ўзгартирилиши керак.

16.5. Мазкур уставга киритилмаган ҳар қандай ўзгартириш ва қўшимчалар «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг моддаларига мувофиқ амалга оширилади.

16.6. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йўли билан амалдаги қонун ҳужжатлари ва ушбу уставга асосан ҳал қилинади.

16.7. Низо ва келишмовчиликларни музокаралар йўли билан ҳал қилиш имконияти бўлмаган тақдирда улар тегишли равишда суд орқали ҳал қилинади.

16.8. Мазкур Устав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб кучга киради.



С.М.Тошбоев